



Broj/Број: 01/7-50-1-53-2-17/04
Sarajevo/Сарајево: 17.06.2004.

ZAPISNIK

sa 17-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine dana 17.06.2004 godine sa početkom u 13,40 sati. Sjednica je završena u 14,55 sati.

SJEDNICI SU PRISUSTVOVALI ČLANOVI KOMISIJE: Jusufović Munib, Zorić Vinko, Ušanović Mubera, Križanović Jozo, Novaković Momčilo;

OPRAVDANO ODSUTNI ČLANOVI: Blagojević Mirko, Ivo Miro Jović, Felić Hazim, Kragulj Nikola;

OSTALI PRISUTNI: Vedran Hadžović, Sekretar Zajedničke službe Sekretarijata Parlamentarne skupštine Bosne i Hercegovine; Jadranka Korać Šef Računovodstva Sekretarijata Parlamentarne skupštine Bosne i Hercegovine;

Sedamnaestom sjednicom, Administrativne komisije Predstavničkog doma Parlamentarne skupštine Bosne i Hercegovine, **predsjedavao je Munib Jusufović predsjedavajući** Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predlažen slijedeći:

DNEVNI RED:

1. Usvajanje Zapisnika sa 16-e sjednice Administrativne komisije;
2. Razmatranje Izvještaja o izvršenju budžeta za period januar-maj 2004 godine, po zaključku sa 16-e sjednice Administrativne komisije ;
3. Razmatranje Zaključka Kolegija Predstavničkog doma Parlamentarne skupštine Bosne i Hercegovine broj:01-02-5-46/04 od 11.06.2004 godine;
4. Razmatranje Zahtjeva poslanika Izeta Hadžića za obeštećenjem sredstava;
5. Razmatranje Molbe za odobrenje naknade za korištenje mobilnog telefona Višeg stručnog saradnika, u Odjelu za međunarodne organizacije i protokol, Sene Barjaktarević;
6. Razmatranje Molbe za refundacijom troškova mobilnog telefona, Šefa Odjela za odnose s javnošću, Zlatka Vukmirovića;
7. Razmatranje Molbe za naknadu dodatnih troškova iznad limita za korištenje mobilnog telefona Samira Čorovića i Merdžane Iglica;

Predsjedavajući je otvorio 17-u sjednicu Administrativne komisije i upoznao prisutne sa predloženim dnevnim redom, te ih pozvao ukoliko imaju primjedbe ili prijedloge za izmjene i dopune istog, da ih daju na razmatranje. Pošto nije bilo prijedloga izmjena i dopuna dnevnog reda, predsjedavajući Munib Jusufović je dao na glasanje predloženi dnevni red. **Predloženi dnevni red usvojen je jednoglasno.** Pošto je usvojen dnevni red, pristupilo se razmatranju istog, po pojedinim tačkama.

AD-1 U okviru ove tačke dnevnog reda, a u vezi sa Zaključkom pod AD-3 sa 16-e sjednice Administrativne komisije održane 08.06.2004 godine, **uvedena je nova tačka** u već usvojenom dnevnom redu **AD-2 Raspodjela prostorija za rad Klubova poslanika.** Već usvojene tačke dnevnog reda, su se na taj način pomaknule za jedno mjesto, pa je tačka AD-2 usvojenog dnevnog reda postala tačka AD-3, tačka AD-3 postala tačka AD-4, tačka AD-4 postala tačka AD-5, tačka AD-5 postala tačka AD-6, tačka AD-6 postala tačka AD-7 i tačka AD-7 postala tačka AD-8.

Zapisnik sa 16-e sjednice Administrativne komisije usvojen je jednoglasno bez primjedbi.

AD-2 Raspravu po ovoj tački dnevnog reda, otvorio je Novaković Momčilo na osnovu Zapisnika sa 16-e sjednice Administrativne komisije, održane 08.06.2004 godine i Zaključka pod tačkom AD-3. Učešće u raspravi po ovom pitanju su uzeli Jusufović Munib, Hadžović Vedran Sekretar Zajedničke službe Sekretarijata Parlamentarne skupštine Bosne i Hercegovine, Zorić Vinko. Nakon provedene rasprave po ovoj tački dnevnog reda Administrativna komisija je, kao prihvatljivo rješenje za raspored prostora za rad Klubova poslanika, jednoglasno utvrdila

KRITERIJ

po kojem se raspored trenutačnog prostora, koji koriste predsjedavajući nekih komisija Predstavničkog doma Parlamentarne skupštine Bosne i Hercegovine, **ima izvršiti prema broju poslaničkih mandata,** na način da se prostor dodjeljuje Klubovima poslanika za njihov rad, **a da isti mogu koristiti predsjedavajući komisija kao i do sada.**

Na osnovu usvojenog kriterija za preraspodjelu prostora za rad Klubova poslanika, Administrativna komisija je jednoglasno donijela:

ZAKLJUČAK

Zadužuje se Sekretar, Zajedničke službe Sekretarijata Parlamentarne skupštine Bosne i Hercegovine, da u skladu sa ovim Zaključkom, izvrši preraspored prostorija, koje koriste predsjedavajući komisija Predstavničkog doma Parlamentarne skupštine Bosne i Hercegovine, na način, da se iste ustupe za rad Klubova poslanika, po utvrđenom redoslijedu:

1. Klub SDA- prostor koji već koristi;
2. Klub S BiH- prostor koji već koristi;
3. Klub SDS-prostor u kojem sjedi Miloš Jovanović, s tim da će imenovani koristiti taj prostor za svoj rad, dok se nesteknu uvjeti za dodjelu prostorija predsjedavajućim komisija;
4. Klub HDZ-Demokršćani-nema prostora za rad, **pa mu se isti treba obezbjediti u skladu sa ovim Zaključkom;**
5. Klub SDP- prostor koji već koristi;
6. Klub SNSD- prostor koji već koristi.

Obzirom da je utvrđeno, da trenutno na raspolaganju ima šest prostorija koje koriste predsjedavajući komisija Predstavničkog doma Parlamentarne skupštine Bosne i Hercegovine, Administrativna komisija je u skladu sa utvrđenim kriterijem za dodjelu prostora za rad Klubova poslanika, šestu prostoriju dodijelila Klubu HDZ-Demokršćani.

Za realizaciju ovog Zaključka zadužuje se Sekretar, Zajedničke službe Sekretarijata Parlamentarne skupštine Bosne i Hercegovine.

Obzirom da je u okviru ove tačke dnevnog reda bio razmatran nedostatak radnog prostora potrebnog kako za rad Klubova poslanika, tako i predsjedavajućih komisija Predstavničkog doma Parlamentarne skupštine Bosne i Hercegovine, na prijedlog Sekretara Zajedničke službe Sekretarijata Parlamentarne skupštine Bosne i Hercegovine, Administrativna komisija je jednoglasno usvojila:

ZAKLJUČAK

Administrativna komisija, Predstavničkog doma Parlamentarne skupštine Bosne i Hercegovine, nije u mogućnosti stvoriti povoljne uslove za rad klubova poslanika u skladu sa članom 17 Poslovnika Predstavničkog doma Parlamentarne skupštine Bosne i Hercegovine ("Sl.glasnik BiH" br.: 20/00), obzirom na činjenicu da Parlamentarna skupština Bosne i Hercegovine ne raspolaže sa slobodnim radnim prostorom.

Imajući u vidu naprijed navedene okolnosti, te činjenicu da se Klubovi poslanika obraćaju s zahtjevima za dodjelu prostora za rad Klubova, kojim Administrativna komisija nije u mogućnosti udovoljiti, Administrativna komisija je odlučila da zatraži od Vijeća ministara Bosne i Hercegovine, informaciju o planiranom početku radova na neboderu na Trgu Bosne i Hercegovine 1, kako bi prema istoj mogla uskladiti svoje aktivnosti utvrđene članom 17 Poslovnika Predstavničkog doma Parlamentarne skupštine Bosne i Hercegovine ("Sl.glasnik BiH" br.: 20/00).

AD-3 Uvodno izlaganje po ovoj tački dnevnog reda dao je Vedran Hadžović, Sekretara Zajedničke službe Sekretarijata Parlamentarne skupštine Bosne i Hercegovine. U okviru svojeg izlaganja ukazao je na neophodnost utvrđivanja kriterija za putovanja u inostranstvo kao i kriterija po kojim će se utvrđivati kad će se putovati u inostranstvo, obzirom da je došlo do prekoračenja odobrenih sredstava za ove namjene. Vedran Hadžović je ujedno objasnio da je do prekoračenja sredstava za osobne dohodke došlo iz razloga što još pet komisija nema svoje Sekrete, a tri komisije nisu predviđene Pravilnikom o sistematizaciji poslova i radnih zadataka obzirom da su naknadno formirane, pa se sredstva za njihov rad nisu mogla predvidjeti u planiranju budžeta za ovu godinu. Po završenom izlaganju imenovanog, predsjedavajući Jusufović Munib, je podsjetio na ingerencije Administrativne komisije, **te istakao da je rukovodeći kadar Sekretarijata Parlamentarne skupštine Bosne i Hercegovine sa Kolegijem Predstavničkog doma Parlamentarne skupštine Bosne i Hercegovine po ovom pitanju prekoračio svoja ovlaštenja i ušao u isključivu nadležnost Administrativne komisije.**

Nakon ovih izlaganja, u diskusiji su uzeli učešća: Vinko Zorić, Momčilo Novaković, Jozo Križanović, Munib Jusufović, Mubera Ušanović, Hadžović Vedran, Jadranka Korać, Šef Računovodstva Sekretarijata Parlamentarne skupštine Bosne i Hercegovine. Po završenoj diskusiji, Administrativna komisija je jedoglasno usvojila

ZAKLJUČAK

I-Obzirom na prekoračenje odobrenih sredstava na poziciji plaće zaposlenih za period januar-maj, **zadužuje se služba Računovodstva, Sekretarijata Parlamentarne skupštine Bosne i Hercegovine, da za narednu sjednicu Administrativne komisije, Predstavničkog doma Parlamentarne skupštine Bosne i Hercegovine, sačini detaljan Izvještaj o primanjima svih Sekretara Parlamentarne skupštine Bosne i Hercegovine za period januar-maj 2004 godine.**

II-Obzirom na prekoračenje odobrenih sredstava na poziciji putnih troškova za period januar-maj 2004 godine, **zadužuje se služba Računovodstva, Sekretarijata Parlamentarne skupštine Bosne i Hercegovine, da za narednu sjednicu Administrativne komisije, Predstavničkog doma Parlamentarne skupštine Bosne i Hercegovine, sačini detaljan Izvještaj o putnim troškovima za Predstavnički dom i Dom naroda Parlamentarne skupštine Bosne i Hercegovine po imenima i prezimenima za period januar-maj 2004 godin .**

III-Služba Računovodstva, Sekretarijata Parlamentarne skupštine Bosne i Hercegovine, je **dužna pripremiti za narednu sjednicu Administrativne komisije, Predstavničkog doma Parlamentarne skupštine Bosne i Hercegovine, detaljan izvještaj na poziciji troškova-reprezentacija za period januar-maj 2004 godine.**

IV- Administrativna komisija, Predstavničkog doma Parlamentarne skupštine Bosne i Hercegovine, **skreće dužnu pažnju Kolegiju Predstavničkog doma Parlamentarne skupštine Bosne i Hercegovine na prekoračenje odobrenih sredstava na pozicijama plaće zaposlenih, putni troškovi i reprezentacija.**

Nakon sveobuhvatne rasprave po ovoj tački dnevnog reda, Administrativna komisija je, obzirom na važnost iste, jednoglasno donijela

ZAKLJUČAK

I-Obzirom na prekoračenje odobrenih sredstava na pozicijama plaće zaposlenih, putni troškovi i reprezentacija, Administrativna komisija smatra, da ovo pitanje treba držati mjesečno aktuelnim na dnevnom redu sjednica Administrativne komisije.

II-Obzirom da je za Administrativnu komisiju neprihvatljivo, da Parlamentarna skupština Bosne i Hercegovine ima nekorektno finansijsko poslovanje, Administrativna komisija smatra da ovo pitanje treba raspraviti na zajedničkoj sjednici Komisije za finansijsko-administrativne poslove Doma naroda i Administrativne komisije, Predstavničkog doma Parlamentarne skupštine Bosne i Hercegovine, koja će se u tu svrhu posebno zakazati.

III-Sjednici Administrativne komisije, na kojoj će se razmatrati izvještaji vezani za prekoračenje odobrenih sredstava na pozicijama plaće zaposlenih, putni troškovi i reprezentacija, obavezno treba da prisustvuju članovi Kolegija Predstavničkog doma Parlamentarne skupštine Bosne i Hercegovine.

AD-4 Administrativna komisija, Predstavničkog doma Parlamentarne skupštine Bosne i Hercegovine, primila je k znanju informaciju po ovoj tački dnevnog reda.

AD-5 Uvodno izlaganje po ovoj tački dnevnog reda dao je Sekretar Administrativne komisije Davorka Čaplinski. U raspravi su učestvovali: Vinko Zorić, Jadranka Korać, Munib Jusufović, Momčilo Novaković, Jozo Križanović. Nakon provedene rasprave po ovoj tački dnevnog reda, Administrativna komisija je jednoglasno usvojila

ZAKLJUČAK

Zadužuje se Sekretar Sekretarijata Parlamentarne skupštine Bosne i Hercegovine da sa nadležnom službom Sekretarijata i putem posrednika Konzulata u Bonu u pravnoj stvari poslanika Izeta Hadžića obezbijedi račun od hotela u kojem je boravio imenovani poslanik, a u kojem se desio štetni događaj.

Hotelski račun je potrebno pribaviti u što je moguće kraćem roku, a najkasnije od mjesec dana od dana prijema ovog zaključka.

Odgada se rok za pravdanje troškova službenog puta u skladu sa stavom dva ovog zaključka.

Obzirom na činjenicu, da je Konzulat u Bonu propustio kao posrednik uzeti u obzir važnost dokumentacije, kao što je hotelski račun, kako sa aspekta štetnog događaja tako i pravdanja putnih troškova u zemlji u skladu sa važećim aktima Parlamentarne skupštine Bosne i Hercegovine, Administrativna komisija je opreza radi, jednoglasno donijela

ZAKLJUČAK

Zadužuje se Sekretar Sekretarijata Parlamentarne skupštine Bosne i Hercegovine da se sa nadležnom službom Sekretarijata uključi u rad posrednika Konzulata u Bonu u pravnoj stvari poslanika Izeta Hadžića.

AD-6 U okviru ove tačke dnevnog reda s obzirom na istovjetnost pravnih osnova u tačkama Ad-7 i Ad-8 Administrativna komisija je zauzela stanovište, da se ove tačke dnevnog reda spoje i istovremeno razmatraju. Nakon što je izvršeno spajanje ovih tački dnevnog reda, učešće u diskusiji su uzeli: Novaković Momčilo, Jusufović Munib, Jozo Križanović, Hadžović Vedran. Nakon provedene diskusije, Administrativna komisija je jednoglasno donijela

ZAKLJUČAK

Na današnjoj sjednici Administrativne komisije, po tački AD-6, Ad-7 i AD-8 dnevnog reda Administrativna komisija neće donositi odluku dok se ne preispita Odluka o naknadi troškova za korištenje mobitela u službene svrhe.

Pošto je iscrpljen dnevni red, sjednica Administrativne komisije je završena u 14,55 sati.

Sastavni dio ovog Zapisnika čini transkript sa 17-e sjednice Administrativne komisije Predstavničkog doma Parlamentarne skupštine Bosne i Hercegovine.

Sekretar
Administrativne komisije
Davorka Čaplinski

Predsjedavajući
Administrativne komisije
Munib Jusufović